

01 阿媽的教育愛

鄭佩宜

自細漢我佮阿媽的感情就特別深，因為父母無閒，共我送去阿媽遐予阿媽悉。會記得彼當陣，定定綴阿媽做伙去公園運動，透早阿媽若去菜市仔，一定會共我悉跔身軀邊，我嘛親像一个愛綴路的，共阿媽咁咧。阿媽毋捌共我罵嘛毋捌共我拍，顛倒共我當做糖霜丸全款遐爾仔疼我。

一直到欲讀國校仔彼年，阮父母欲共我悉轉去佲個做伙躡，才佮阿媽分開，後一逝轉來已經是個外月後，也就是第一擺月考考煞。猶會記得，我提彼張一百分的考卷，歡喜甲袂講得，就共阿媽展講我考滿分，伊接過彼張考試單，金金相講：「紅筆寫甲遮大字，一个一、兩個零，誠實的呢！是一百分，真勢呢！」無偌久，阿媽對伊的錢袋仔擰一張銀票出來，講以後一科滿分就會當提一百鎰；若是頭三名，就一千鎰予我做獎金。自彼擺我就開始共阿媽領獎學金，閣較認真學習。較早一學期有三擺考試，我上無擺領會著三百鎰，嘛會有久久仔一改，考著頭三名。錢若是領較濟的時，我就會提去買寡冊，若無就是買我上愛食的四秀仔來啖糉一下，不止仔樂暢。

高中以後，冊那來那歹讀，我的獎學金嘛那來那少，歇睏日毋是佇補習班就是佇學校，半暝仔猶閣咧綿爛讀冊

是誠四常的代誌，我嘛對兩蕊目瞓讀到四蕊目瞓，課業壓力愈來愈重，轉去看阿媽的時間嘛沓沓仔變較少矣。阿媽知影我讀冊誠辛苦，欲準備考大學，常在敲電話叫我愛骨力，毋通貧惰，佇彼當陣若會當讀國立大學是足奢颺的。伊閣講較早的人散食無錢通讀冊，這馬咱會當讀就愛好好仔珍惜這個機會，毋通放棄才著。

愛的方式有足濟種，阿媽共伊上單純的愛轉換做我讀冊的力量，佇我求學的過程一路支持，鼓勵我愛拍拚。阿媽毋捌教我認捌課本內底的任何一字，毋過煞教我一个道理：「做牛著拖，做人著磨。」伊的教示我會永遠記牢牢，伊真正是我性命當中的頭一个老師！